

玉機辨症



疝

源病內經曰厥陰脈滑則病狐疝少陰脈滑則病肺風
疝太陰脈滑則病脾風疝陽明脈滑則病心風疝太
陽脈浮則病腎風疝少陽脈浮則病肝疝風 針經
曰心脈微滑為心疝引臍少腹鳴肝脈滑甚為癰疝
腎脈滑甚為癰瘰 宗厚曰按發明云夫滑脈關已
上見者為大熱蓋陽與陽併也故大熱脈滑尺部見
為大寒生癰疝滑脈者命門絕絡之名也為丙丙丁
熱火併於下蓋丙丁不勝壬癸從寒水之化也故生
癰疝然滑屬陰脈也病自內因寒亦與已上証同

難經曰任之為病其內苦結男子為七疝

疝寒疝囊冷結硬如石陰莖不舉或控睪丸而痛得
於坐臥濕地或寒月涉水或置雨雪或坐臥磚石或
風冷處使內過勞宜以溫劑下之久而無子 水疝
腎囊腫痛陰汗時出或囊腫而狀如水晶或囊痒而
搔出黃水或少腹中按之作水聲得於飲水醉酒使
內過勞汗出而遇風寒濕之氣聚於囊中故水多令
人為卒疝宜以逐水之劑下之 筋疝陰莖腫脹或
潰或濃或痛而裏急筋縮或莖中痛極則痒或挺痛
縱不收或白物如精洩而下久而得於房室勞傷隨

痛 墮

及邪術所使宜以降心之劑下之 血疝狀如黃瓜
在少腹兩傍橫骨兩端約中俗云便癰得於重感春
夏大燠勞於使內氣血流溢滲入脬囊留而不去結
成癰腫膿少血多宜以和血之劑下之 氣疝上連
腎區下及陰囊或因號哭忿怒則氣鬱之而脹忽哭
號罷則氣散者是也宜以散氣之藥下之或小兒亦
有此疾俗曰偏氣得於父己年或_下老年少多病陰痿
精怯強力入房因而有子胎中病也此疝不治惟築
賓一穴灸之 狐疝狀如仰仰瓦卧則入小腹行立
則出小腹入囊中狐則晝出穴而溺夜則入穴而不

一
微

溺此疝出入上下往來正與狐相類也亦與氣疝犬
同小異今人帶鉤鈐是也宜以逐氣流輕之藥下之
癰疝陰囊腫繃如升如斗不痒不痛是也得之地
氣卑濕所生故江淮之間湫澹之處多感此疾宜以
去濕之藥下之女子陰戶突出雖亦此類乃熱則不
禁固也宜以苦下之以苦堅之

子和論一經屬子和云諸疝皆屬陰肝經蓋環陰器厥
而上入小腹者足厥陰肝也靈樞言足厥陰肝經病
則有遺溺癢閉狐疝腎與膀胱小腸三經則不言疝
是受疝之處乃肝之部分也且輕言男子宗筋為束

骨之會也而肝主筋卑者囊中之丸雖主外腎非厥
陰環而引之與玉莖無由伸縮在女子則為纂戶其
內外為二其一曰廷孔其二曰竅漏此足厥陰與衝
任督之所會也靈樞言足厥陰之經筋聚於陰器其
病傷於寒則陰縮入傷於熱則縱挺不收陽明與太
陰厥陰之筋皆會於陰器惟厥陰主筋故為疝者必
本之厥陰以脈考之素問論六疝雖見於他脈中皆
言風疝者足厥陰肝經之氣也靈樞云三陰急為疝
太僕云太陰受寒氣聚為疝此言太陰受寒傳之肝
經也可以溫藥逐之不可以溫藥補之素問云三陽

閉痿

為病發寒熱其傳為癰疽此亦言膀胱非受病之處
必傳於厥陰部分然後為疽也又言病在小腹腹痛
不得大小便病名曰疽凡言少腹者豈非陰厥之部
分耶嘗閱銅人俞穴亦相表裏惟厥陰言疽獨多為
疽之主也其他經穴雖亦治疽終非受疽之地但與
足厥陰相連耳如運氣或在泉寒勝木氣寧縮禁於
此經或司天燥勝木氣抑鬱於此經或忿怒悲哀憂
抑頓挫結於此經或為淋外因閉尾縮精滯於此經
其病差別如此且夫遺溺癰陰痔瘕精滑白淫皆痿
男子之疽也不可妄歸之腎冷血澗不月月罷腰膝

上熱足癢噬乾瘰癧少腹有塊或定或移前陰突出
後陰痔核皆女子之疝也但女子不謂七疝而謂之
瘕若年少而得之不計男子婦人皆無子故隱蔽委
曲之事了不干脬腎小腸之事乃厥陰肝經之職也
凡疝者非肝木受邪則肝木自甚不可便言虛而補
之難經所謂東方實西方虛瀉南方補北方此言瀉
大木自平金自清水自旺也

宗厚論疝兼屬宗厚曰子和七疝治法當異俱用攻

下之法愚竊疑焉雖錢仲陽亦曰肝為相火有瀉無
補丹谿有曰肝只是有餘腎只是不足夫厥陰一經

受病宜通勿塞固宜亦當視其淺深而行之可也况有邪氣止客於膀胱小腸之經者若干於少陰腎經則宜通勿塞之法可例用乎

河間原病式曰癰疽少腹控卵腫急絞痛也寒主拘縮故也寒極而土化制之故腫滿也經言丈夫癰疽謂陰器連少腹急痛也故言婦人少腹腫皆肝足厥陰之脈也經註曰寒氣聚而為疽也又按經言五臟皆主疝但脈急也註言脈急者寒之象也然寒則脈當短小而遲今言急者非急數而洪也由緊脈主痛急為痛甚寒病雖急亦短小也所言有痛而脈緊急

者脈為心之所養也凡六氣為痛則心神不寧而
緊急不得舒緩故脈亦從之而見也欲知何氣為其
病者適其緊急相兼之脈而可知也如緊急洪數則
為熱痛之類也又經言脾傳之腎病名曰疝瘕少腹
煩冤而痛出白蠱註言少腹痛及出白液也一作客
熱內結銷燂脂肉如蠱之食故名白蠱也然經之復
言熱為疝瘕則亦不可止言為寒當以脈証別之

無擇主外
因四氣

陳無擇曰經云七疝諸疝等更不見名狀

但出寒疝癰疝而已唯大奇論列五臟脈為五疝云
云大抵血因寒注則為瘕氣因寒聚則為疝賊風入

腹亦為疝。冒暑履濕皆能為疝。脈緊為寒。風則浮。弦暑則洪。數濕則緩。細要知疝雖兼臟氣皆外所因也。

丹溪主內因濕熱

丹溪曰：疝痛之甚者，辜丸連小腹急痛也。

或有形或無形，或有聲或無聲，自素問以下皆以為寒。蓋經絡得寒收引不行，所以作痛。世有得寒而無疝者，又必有說以通之可也。予屢跣水徒涉，不曾病此。以予素無熱也，因而思此病始於濕熱在經，鬱遏至久，又感外寒濕熱被鬱而作痛。若只作寒論，恐為未備。或曰：此證多客厥陰一經，濕熱之積何由而致？予曰：夫勞則火起於筋，醉飽則火起於胃，房勞則火

起於腎大怒則火起於本經火鬱之久濕氣便盛濁
液凝聚并入血隧流於厥陰肝屬木性速急火性暴
為寒束宜其痛甚而暴也愚見古方以烏頭枳子等
分作湯用之其效亦速後因此方隨形証加減無有
不應又須分濕熱多少而治之但腫多為濕癰是也
痼不宜
補論許學士云大抵此疾因虛得之不可以虛而
驟補經云邪之所湊其氣必虛留而不去其病則實
故必先滌所蓄之熱後補之是以諸方多借巴豆丸
氣者蓋謂此也宗厚曰痼證雖始為因虛而得必
邪實迫痛而未下故當先瀉而後補也至有虛甚迫

痛上為吐逆或下有遺精者此邪實正虛之甚矣此欲不補可乎但恐補之則無益瀉之則正氣轉陷幸而獲生者鮮矣 丹溪曰疝有挾虛而發者當以參朮為君而佐以疎導診其脈沉緊而豁大者是也若不以補劑而行決烈法禍不旋踵

脈經曰腎脈大急沉為腎疝肝脈大急沉為肝疝心脈搏滑急為心疝肺脈沉搏則為寒疝三陰急為脾疝三陰脾脈也寸口脈弦而緊弦緊相搏則為寒疝跌陽脈虛遲為寒疝寒疝繞臍痛若發則自出手足厥陰 無擇曰腎脈本沉心脈本滑受寒則急於

出

理乃是肝脈本弦肺脈本濇並謂之沉未為了義又脾不出本脈但云急為疝亦文義之缺也

附小腸氣經曰小腹控臍引腰脊上衝心唾清水及為之

噦噫甚則入心善忘善悲甲乙經曰邪在小腸也小腸病者小腹痛引腰脊貫肝肺其經虛不足則風冷乘間而入邪氣既入則冷之証上衝肝肺客冷散於胸結於臍控引臍丸上而不下痛而入腹甚則衝於心胸蓋其經絡所係屬也啟玄子曰控引也臍丸陰丸也宗厚曰寒邪始客於小腸因經絡並於厥陰故下拉引臍丸為痛雖亦如疝然止言小腸氣所以

古人治法往往相類但自有所兼之証殊爾

治寒之藥金匱烏頭桂枝湯治寒疝腹中痛逆冷手足不

仁若身疼痛灸刺諸藥不能治者

烏頭

五箇用蜜一片煎減半去滓

桂枝五錢煎湯

每服二

合不知即服三合其知者如醉狀得吐者為中病也若自汗出脈沉弦者止用烏頭煎

宗厚曰按此用桂枝因身疼痛兼表有寒也太陽例為三因大烏頭桂枝湯治風寒疝氣腹中刺痛手足不仁身體拘急不得轉側或致陰縮

大烏頭

五箇去皮去過洗切

桂心

白芍藥

各三錢

甘草錢一 每四錢入薑棗煎服

補腎湯治寒疝入腹小腹疼痛時復泄瀉胸膈痞塞

人參 茯苓 黃芪 附子 炮 白朮 各一兩

沉香錢四 木瓜錢五 羌活錢五 甘草錢一

川芎錢二 紫蘇錢三 每三四錢入薑棗煎服

局方奪命丹治連年近日小腸疝氣偏墜搖疼臍下
撮痛以致悶亂及外腎腫硬日漸滋長陰間濕痒抓
成瘡

吳茱萸淨一斤四兩湯醋湯 澤瀉二兩

酒煮麴糊丸如梧子大每五十九空心鹽湯下

陰

茱萸內消丸治腎經虛弱膀胱為邪氣所搏結成寒
疝癰偏大

山茱萸核去 陳皮 吳茱萸 馬蘭花 木香

肉桂 山藥 青皮 川棟子 茴香各等分

酒糊丸如梧子大每五十丸空心溫酒送下

寶鑑沉香桂附丸治中風虛弱甚脾胃虛寒臟腑積
冷心腹疼痛手足厥逆冷便利無度七疝引痛不可
忍喜熱熨少緩者

沉香 附子炮 川烏炮 乾薑炮 良薑

官桂 吳茱萸湯泡去苦水 茴香炒各一兩 好醋煮糊